



SUD BiH Na ročištu Muji Smajloviću pušteni videosnimci i presretnuti razgovori

Istražitelj Tužilaštva snimljen kako uzima 1.000 eura i vreću mandarina

Na videosnimku se vidi da optuženi ulazi u vozilo informatora Robota, koji mu zatim predaje kovertu

Na jučerašnjem suđenju istražitelju Tužilaštva BiH Muji Smajloviću prikazan je videosnimak na kojem se vidi kako on uzima kovertu sa 1.000 eura od informatora kodnog naziva Robot. Kao svjedok Tužilaštva, videosnimke, presretnute razgovore i fotografije na suđenju je pokazao istražitelj Državne agencije za istrage i zaštitu (SIPA) koji je bio uključen u istragu protiv Smajlovića.

Sudija Izo Tankić zamol-

io je da se ne objavljuje ime ovog istražitelja s obzirom na to da radi na osjetljivim predmetima i istragama.

Obećavao pogodnosti

Istražitelj je rekao da je preko informatora Robota razmjena dogovorena u decembru 2014. Prethodno se informator Robot sastao sa Smajlovićem u ugostiteljskom objektu koji se nalazi pored zgrade u kojoj su smješteni Tužilaštvo i Sud BiH.

Pred kraj radnog vreme-

na tog dana, kako se iz snimaka i razgovora moglo vidjeti, informator i Smajlović ponovo su se sastali u ulici nedaleko od Suda. Na videosnimku se vidi da Smajlović ulazi u vozilo informatora, koji mu zatim predaje kovertu i pokazuje novac te govori: "Ovo je za početak." Nakon toga izlaze iz automobila, a informator iz gepka svog automobila u Smajlovićev auto ubacuje vreću mandarina.

Iz snimaka nije vidljivo, a na ročištu nije rečeno, zbog čega se Smajloviću daje novac i ko je pošiljalac. Tužilac Džermir Pašić najavio je da će informator biti saslušan kao svjedok. Smajlović je optužen da je od 2012. do početka 2015. bez znanja tužioca ostvarivao kontakte s osobama protiv kojih su se vodili ili se još vode postupci u Tužilaštvo, obećavajući



Smajlović: Optužen za primanje dara

im pogodnosti, za šta je primio najmanje 20.000 KM i darove.

Istražitelj je rekao je da je postupak protiv Smajlovića pokrenut nakon što se on spominjao u istrazi SIPA-inog odjela iz Mostara protiv Zdravka Jurkovića i

ostalih. Na jučerašnjem ročištu prikazan je videosnimak na kojem se vidi kako Smajlović 1. jula 2014. ulazi u ugostiteljski objekt preko puta zgrade Suda te sjeda za sto s Jurkovićem. Na snimku se vide i druge osobe, koje će o tome svjedočiti.

Trgovina drogom

Na suđenju je istražitelj SIPA-e puštao i presretnute razgovore između Smajlovića i Roberta Iličića, koji je imao status osumnjičenoga u ovom predmetu, ali nije optužen. Prema pisanju medija, Iličića je u odsutnosti sud u Splitu 2009. osudio na devet godina zatvora zbog trgovine drogom. Suđenje će biti nastavljeno 5. aprila u devet sati.

E.MASLO

Sastanak Petković i Mihajlovića

Na jednom od snimaka, Iličić obavještava Smajlovića da se tužiteljica iz Splita Natalija Petković sastala s tužiocem Božom Mihajlovićem, šefom Odjela za organizirani kriminal i ko-

rupciju. Iličić mu je rekao da su se sastali radi "prebacivanja predmeta" te ga moli da se "uputi u sve".

Na suđenju se nije moglo čuti je li Smajlović uradio nešto u vezi s tim.

